

Դրամաշնորհային հաշվետվություն N 2

1. Ընդհանուր տեղեկատվություն

Ծրագրի անվանում	Տարեցների և (կամ) հաշմանդամություն ունեցող անձանց տնային պայմաններում խնամքի ծառայություններ
Դրամաշնորհի N	1032-11002/24 ՇՄ
Դրամաշնորհատու կազմակերպություն	ՀՀ աշխատանքի և սոցիալական հարցերի նախարարություն
Դրամաշնորհառու կազմակերպություն	Հայկական Կարմիր Խաչի Ընկերություն
Ծրագրի իրականացման ժամանակահատված	03.01.2024-31.12.2024
Հաշվետու ժամանակահատված	01.10.2024- 30.12.2024
Ներկայացման օր	20.12.2024
Հաշվետվության պատասխանատու (անուն, ազգանուն, պաշտոն)	Կարինե Կուրդինյան Ծրագրի համակարգող

2. Բովանդակային հաշվետվություն

2.1 Խնդրում ենք թվարկել աշխատանքային պլանով և պայմանագրի թիվ 1

հավելվածով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:

2024 թվականի չորրորդ եռամսյակի ընթացքում Հայկական Կարմիր խաչի ընկերությունը շարունակել է Անի Համայնքի Մարալիկ քաղաքում տնային խնամքի ծառայության մատուցումը: Սպասարկված շահառուների թիվը 24 է՝ պլանավորված 25-ի փոխարեն: Եռամսյակի ընթացքում Միասնական սոցիալական ծառայության կողմից նոր ուղեգրումներ չեղան:

Շահառուների խնամքն իրականացրել են երկու տնային խնամողները, մեկ բուժքույրը, սոցիալական աշխատողը, իսկ նրանց աշխատանքը կազմակերպվել և վերահսկվել է ծրագրի ավագ բուժքրոջ, մարզային մասնաճյուղի ղեկավարի կողմից: Աշխատակազմը համալրված է, այցերը կատարվել են ըստ պլանավորված գրաֆիկի:

Յուրաքանչյուր շահառուի համար կատարվել է կարիքի գնահատում և կազմվել է անհատական խնամքի պլան՝ ելնելով վերջինիս կարիքների առանձնահատկություններից, որի համաձայն էլ իրականացվել է խնամքի տրամադրումը:

Խնամքի տրամադրման գործողությունների և տրամադրված խնամքի պարագաների վերաբերյալ կատարվել են համապատասխան գրառումներ խնամառուների դինամիկ հսկողության թերթիկներում, ինչպես նաև խանամառուի անձնական թղթապանակում:

Ըստ սահմանված աշխատանքային պլանի, իրականացվել է՝

- սոցիալ-առողջապահական խնամքի տրամադրում, ներառյալ խնամքի պարագաների տրամադրում,
- կենցաղային օգնություն և սպասարկում,
- կամավորների այցելություններ,
- սոցիալական աշխատողի այցելություն, գնահատում, ուղղորդում,
- հոգեբանի խորհրդատվություն,
- մշակութային միջոցառումների կազմակերպում,
- մոնիթորինգային աշխատանքներ:

Հաշվետու ժամանակահատվածում ՀԿԽԸ Շիրակի մարզային մասնաճյուղի նախագահի, «Համայնքային ինտեգրված տնային խնամք և ակտիվ երկակակեցություն փուլ -3» ծրագրի ավագ բուժքրոջ և ծրագրի համակարգողի մասնակցությամբ կատարվել են մոնիթորինգային այցեր ծրագրի բոլոր շահառուներին՝ խնամքի որակի և սպասարկող անձնակազմի կատարած աշխատանքների վերահսկողության, ինչպես նաև շահառուների կարծիքները և առաջարկությունները լսելու նպատակով:

Շահառուների դիմամիկ հսկողության ընթացքում հայտնաբերված խնդիրներին տրվել է արագ արձագանք, կատարվել համապատասխան ուղղորդումներ:

Աջակցություն է ցուցաբերվել այն խնամառուներին, ովքեր առողջական խնդիրներ ունեն: Կատարվել են շտապ բուժօգնության կանչեր, կազմակերպվել է նրանց տեղափոխումը հիվանդանոց, ուղեկցումը մասնագիտական կաբինետներ /ակնաբույժ, մաշկաբան, ռենտգեն, թերապևտ և այլն/: Հսկողություն է իրականացվել նշանակված դեղորայքի շահառուների կողմից ընդունման գրաֆիկի պահպանման նկատմամբ, բուժքույրի կողմից կատարվել է շահառուների առողջական վիճակի հսկողություն, կապ պահպանվել ընտանեկան բժշկի հետ: Մոցիալական աշխատողի միջոցով աջակցություն է ցուցաբերվել հաշմանդամության կարգավիճակին վերաբերող փաստաթղթերի հավաքագրման և հետազոտությունների անցկացման հարցում:

Հոկտեմբերի 1-ի՝ տարեցների միջազգային օրվա առիթով կազմակերպվեց էքսկուրսիա Անի համայնքի Սառնաղբյուր գյուղի Զադա սրբավայր: Աշխատակիցների ուղեկցությամբ խնամառուները մասնակցեցին նաև Մարալիկ քաղաքի օրվան նվիրված միջոցառմանը, որտեղ ելույթ էին ունենում քաղաքի երգի, պարի և ասմունքողների համույթները:

Դեկտեմբերի 10-ին Մարալիկի տնային խնամքի և Գյումրու շուրջօրյա խնամքի կենտրոնի շահառուների մասնակցությամբ Մարալիկի խնամքի կենտրոնում կազմակերպվեց հանդիպում, որի նպատակն էր նախատոնական տրամադրություն հաղորդել տարեցներին, ովքեր միասին զարդարեցին տոնածառը, ուրախացան, անցկացրեցին հաճելի ժամանակ:

Մոցիալական աշխատողի ջանքերով և Անի համայնքի աջակցությամբ դրամաշնորհի շրջանակներում սպասարկվող 24 շահառուներ ստացան սննդի փաթեթներ:

ՀԿԽԸ Շիրակի ՄՄ և Մարալիկի խնամքի կենտրոնի անձնակազմը հաճախակի կապի մեջ է շահառուների ընտանեկան բժիշկների հետ և իրազեկված նրանց առողջական վիճակին:

Բացի պլանավորված այցելություններից, պարբերաբար հեռախոսակապի միջոցով ծրագրի աշխատակիցները փորձել են իրազեկ լինել շահառուների վիճակի մասին և արձագանքել՝ ըստ անհրաժեշտության: Շարունակական են նաև կամավորների կողմից կատարվող այցերը և աջակցության տրամադրումը վերջիններիս համար գնումների կազմակերպման, զրույցի, զբոսանքի, ընթերցանության և այլ հարցերում:

2.2 Խնդրում ենք նկարագրել ծրագրի առաջընթացն՝ ըստ սահմանված աշխատանքային պլանի (Գանտի աղյուսակ) և միջոցառումների , նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ ծրագրի խնդիրների/նպատակի իրականացմանը:

Հաշվետու ժամանակահատվածում, ըստ սահմանված աշխատանքային պլանի, իրականացվել են հետևյալ միջոցառումները.

- Սոցիալ-առողջապահական խնամքի տրամադրում՝ խնամքը տրամադրվել է խնամք իրականացնող անձնակազմի՝ բուժքույրերի միջոցով կարիքների գնահատման և անհատական խնամքի պլանի հիման վրա: Այն ներառել է բժշկի նշանակմամբ դեղերի և բժշկական նշանակության նյութերի ստացման գործում աջակցություն, վերքերի մշակում, զարկերակային ճնշման որոշում, արյան մեջ գլյուկոզայի քանակի վերահսկում, ուղղորդում բժշկական հաստատություն՝ հետազոտման և այլն: Կարիքի դեպքում, խնամքին զուգահեռ խնամառուները ապահովվել են նաև խնամքի միջոցներով:

- Տնային խնամողների կողմից կենցաղային օգնություն և սպասարկում է տրամադրվել շահառուներին, մասնավորապես անձնական հիգիենայի պահպանում, տան մաքրում, սննդի պատրաստում, կերակրում, լվացք և կենցաղային մի շարք այլ գործառնություններ՝ կարիքների գնահատման և անհատական խնամքի պլանի հիման վրա: Ծառայությունը տրամադրվել է տնային խնամողների կողմից:

- Կամավորների այցելություններ, ներառյալ ընկերակցում, զրույց, ընթերցանություն, գնումների իրականացում, աջակցություն մանր կենցաղային հարցերում, այլ՝ կարիքների գնահատման և անհատական խնամքի պլանի հիման վրա: Կամավորների գործունեությունը նպաստում է նաև շահառուների սոցիալիզացիային:

- Սոցիալական աշխատողն իրականացրել է խորհրդատվության տրամադրում, գնահատում, ուղղորդում՝ տարածքային ՄՄԾ մասնագետների հետ սերտ համագործակցությամբ, կազմակերպել է երեք սոցիալական միջոցառում՝ ընդգրկելով ծրագրում ներառված շահառուներին:

- Շահառուների առողջական վիճակի արդյունավետ վերահսկողության համար ավագ բուժքույրը և խնամքի բուժքույրերը մշտական կապի մեջ են եղել տեղամասային բժիշկների հետ: Անհրաժեշտության դեպքում կազմակերպվել են բժիշկների տնային այցեր:

- ՀԿԽԸ Շիրակի մարզային մասնաճյուղի նախագահը և ծրագրի ավագ բուժքույրը իրականացրել են մոնիթորինգային աշխատանքներ՝ այցելելով սպասարկվող շահառուների տներ՝ գնահատելու մատուցվող ծառայությունների որակը:

Հայկական Կարմիր խաչի ընկերությունը անդամակցում է տարեցների հարցերով միջգերատեսչական հանձնաժողովին, Տարեցների պաշտպանության ցանցին, որի հերթական հանդիպումը տեղի է ունեցել ա/թ նոյեմբերի 15-ին, հեռավար տարբերակով՝ ՀԿԽԸ նախաձեռնությամբ և համակարգմամբ:

Խնդրում ենք նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեդիա պրոդուկտներ և այլն)

--

2.5 Խնդրում ենք նշել, Ձեր կողմից իրականացված այն գործողությունները, որոնք նախատեսված չեն եղել ծրագրի աշխատանքային պլանով, բայց իրականացվել են ծրագրի նպատակին հասնելու համար:

Հաշվետու	Ժամանակահատվածում	նման	գործողություններ	չեն
իրականացվել:				